

Oñati

OÑATI / Egubakoitza / 2005eko irailaren 16a / 19. zenbakia

KOORDINATZAILEA: Oihana Elortza • Barrenkalea 33 BERGARA 20570 • Tel.: 943 25 05 02 • Faxa: 943 25 05 13 • Posta elektronikoa: oinati@goiena.com • Lege gordailua: SS482/05

450 ume dantzan domekan, Haurren Egunean

OIHANA ELORTZA

Irailaren hirugarren domekan Haurren Eguna ospatzen da Oñatin. Aurtengoa, 35.ena, domekan egingo dute, etzi. Hego Euskal Herriko etorritako 13 dantza taldek hartuko dute parte, 450 ume inguruk guztira. Migel Biain txistulari zena ere gogoan izango dute.

Oñatiko Oñatz dantza taldeaz gain, Hego Euskal Herriko beste 12 dantza talde etorriko dira etzi, domeka, Oñatira. Haurren Eguna ospatuko dute herrian domekan, eta 450 ume dantzari inguruk pasatuko dute eguna Oñatin.

Gernika, Lizarra, Legazpi, Sestao, Arrasate, Antzuola, Soraluze, Bergara, Zarautz, Aretxabaleta, Azkoitia eta Oñatiko ume dantzariak 10:00etan dute lehen dantzaren hitzordua, Otadui zuhaitzian. Herriko kaleetan egingo dute dantza goizean, eta herriko plazan, arratsaldean. Bazkaltzera, berriz, oñatiarren etxeetara joango dira ume batzuk, eta herriko elkarteetara beste batzuk.



ARTXIBOA

Guztira, 13 dantza talde eta 450 ume dantzari inguru izango dira domekan Oñatin.

MIGEL BIAIN GOGOAN

Aurten 35. aldiz egingo dute Haurren Eguna Oñatin. Orain arteko guztietan hartu zuen parte

Migel Biain txistulari zenak eta gogoan izango dute domekan. Aureskua, bertsolariak eta plaka prestatu dituzte beretako.

GANBARAREN KANTU TAILERRA

Txikienak abesbatzen munduan sartzeko proiektua du Ganbarak

O.E.

Kantu tailerra sortu du Ganbara Abesbatzak. 5-6 sei urte dituzten umeei zuzendua dagoen proiektua burutu dute. Txikienak abesbatzen munduan sar daitezten lortu gura du Ganbara Abesbatzak, era dinamikoan: perkusio instrumentuak egiten eta jotzen, dantzan edo kantuan, adibidez.

Bestetik, Ganbara Txikitxo eta Ganbara Txiki taldeetan izena emateko dei egin dute berriro, iaz jende askok ezin izan zuen-eta parte hartu proiektu honetan.



GANBARA

Orain, 75 ume daude Ganbara Txiki eta Txikitxoan.

LABUR

Odol ateratzea egingo dute gaur, egubakoitza, ohiko orduan eta tokian

Odol ateratzea egingo dute gaur, egubakoitza. Ohiko tokian eta orduan dute hitzordua odol emaileek, Txantxiku Ikastolan, 18:30ean. Donostiatik etorritako lantaldea arduratuko da odol ateratzeaz. Oñatin, 900 odol emaile inguru daude eta horietatik 700 dira ohikoak. Urtean hamar ateratze egiten dituzte, eta iraila jende gehien joaten den hilabetea da.

Txandak eta Ganbarak kontzertua antolatu dute, Guatemalan liburutegia egiteko

Txanda dendarien elkarteak kontzertua antolatu du biharko, zapatua. Guatemalan liburutegi bat eraikitzen laguntzeko antolatu du kontzertua. Ganbara abesbatzak eskainiko du kontzertua eta Agustindarren elizan izango da, iluntzeko mezaren ostean, 20:00ak aldera. MUko hiru ikaslek liburutegi bat eraiki nahi dute Guatemalako Santa Maria Tzejá eskualdean, eta proiektu horretan lagundu gura die honela Txandak. Kontzertua doan izango da eta amaieran borondatea eskatuko dute.

PRENTSAURREKOA



Batasuna, Ereitten, LAB eta Askatasuneko ordezkariak zeuden prentsaurrekoan.

Ezker Abertzalea, bi gazte-guneen alde

O.E.

Gaztelekuak zein Gaztetxeak "bide paraleloak" eraman dezaketela uste du Ezker Abertzaleak, "baldin eta norberarekiko askatasuna zein elkarbizitzarako oinarriko arauak errespetatzen diren". Gazteriaren inguruan azken hilabeteotan sortu diren gertakizunen inguruko iritzia emateko prentsaurrekoa deitu zuen martitzenean Ezker Aber-

tzaleak. Haren iritziz, gazte-gune biak dira zilegizkoak Oñatin. Gaztelekuak eta Gaztetxea, "bakotzak gazteen sektore banari erantzuten diotelako".

Bestalde, Udalaren jarrera salatu zuen, "oztopoak jartzen" hasi delako. Gaztetxea okupatu zutenetik, gazteria "EAJren mehatxupear" bizi dela ere esan zuen. "Bi aldeen arteko akordioa bilatzea" dela bidea gaineratu zuen Ezker Abertzaleak.




gelatzu s.l.

Zubillaga auzoa 1 OÑATI
Tel.: 943 71 63 22
Faxa: 943 78 15 51

Eraman
dotoretasuna
zure etxera



Udal Euskaltegia goaz. Bazatoz gurekin?



Mixel González
Postaria

Blanca Daubagna
Jaurfartzako langilea

David Arnaiz
Ikaslea

Rosangela De Oliveira
Zaharbertzalea

Magdalena Cuesta
Erizaina

Jabier Lejarzegi
Erretiratua

Paki Mendizabal
Etxekoandrea

Cristina Rodríguez
Langabea

2005/2006 EUSKARA IKASTAROAK

Eskaintza: EUSKALDUNTZE maila guztiak ALFABETATZE, EGA, eta EGATik gorakoa.

Egokitutako taldeak: guraso, merkatari, etorkin, enpresa, Bergarako euskara, etb. Multimedia gela.

Azterketak prestatzeko: EGA eta HIZKUNTZA ESKAKIZUNAK. HABEren diplomak ateratzeko azterketa euskaltegian bertan.

Erritmoak: Bi ordukoa (iraila-ekaina) / hiru ordukoa (iraila-ekaina) / bost ordukoa (iraila-otsaila edo otsaila-ekaina). Astean bi egunetan bi ordu eta erdi (EGA).

Eskarien arabera, beste erritmo batzuk ere eskain daitezke.

Bulego ordutegia: 08:30-13:00 / 14:30-18:30. Ostiraletan: 08:00-15:00

16 urtetik gorakoentzat

Bekatzeko sistema eta diru laguntzak ditugu

Matrikula zabalik

24 urte euskara irakasten
Maila guztiak
Ordutegi zabala
Bekak/ HABEren diplomak...

BERGARAKO UDAL EUSKALTEGIA
Zabalotegi, 13 | 20570 BERGARA
Tel.: 943 76 44 53
berg.eusk@udal.gipuzkoa.net
berg.euskudal@euskalnet.net




www.udaleuskaltegiak.net

UGARTE

AROTZEGIA-ALTZARIAK



- Arotz lanak orokorrean



- Horma armairuak
- Altzariak
- Leihoak
- Ateak



ALTZARI DENDA
Ikerleku zeharbidea • BERGARA
Tel.: 943 03 46 30

ERAKUSKETA ETA TAILERRA
San Juan 1A • BERGARA
Tel.: 943 76 54 91/ Faxe: 943 76 08 04



Ondo pasau
San Martinak!



BERGARAKO UDALA